



Méndez Arceo, ep. Cuernavacensis, Ioannes Weber, arch. Argentinensis, Franciscus Franić, ep. Spalatensis et Macarscensis, Iacobus Corboy, ep. Mozenensis.

Hora 11,55 praeses, disceptatione interrupta, Patrum suffragium petiit de nuntio mittendo ad P. D. Alfonsum Carinci, arch. tit. Seluciensem in Isauria, qui centesimum vitae annum compleverat. Omnes Patres surrexerunt.

Deinde disceptatio continuata est et locuti sunt Franciscus Reh, ep. Caropolitanus, Antonius Aguirre, ep. S. Isidori in Argentina.

Post quindecim fere momenta, secretarius generalis ex ambone legit paratum telegramma, mittendum ad P. D. Alfonsum Carinci. Omnes Patres plauserunt.

Ultimus locutus est P. D. Fredericus Melendro, arch. Nganchimensis.

Hora 12,20 S. Evangelii codex repositus est et, precibus *Angelus... Agimus...* recitatis, Patres dimissi sunt, postquam a secretario generali intimata fuit proxima congregatio generalis die 10 novembris habenda.

XVI

Congregatio generalis decima sexta habita est sabbato, die 10 novembris, hora 9 matutina. Interfuerunt 2.172 Patres, nempe 69 cardinales, 5 patriarchae, 9 primates, 385 archiepiscopi. 1.598 episcopi, 11 abbates nullius, 11 praelati nullius, 84 superiores generales.

Missam ritu bracarensi P. D. Franciscus da Silva, ep. tit. Telmisensis, aux. Bracarensis, celebravit. Chorus Cappellae Sixtinae executus est cantus: *Salve regina, O salutaris hostia, Ave verum*. Antea Patribus opusculum distributum fuerat, cui titulus: *Ordo Missae Almae Bracarensis Ecclesiae*.

Missa expleta, secretarius generalis intimavit: *Exeant omnes*, et P. D. Caesarius Alexander Minali, ep. tit. Achyraënsis, praelatus nullius Carolinensis in Brasilia, S. Evangelii codicem super paratum thronum statuit.

Card. Ernestus Ruffini, arch. Panormitanus, precem *Adsumus...* recitavit. Secretarius generalis ex ambone, proclamato nomine primi praesidis, nomina Patrum legit, qui circa cap. IV schematis *de sacra Liturgia* loqui petierant.

Dein praeses Observatores salutavit et Patres iterum monuit de plausu vitando necnon de reverentia erga omnes exhibenda, praesertim erga illos, qui in Curia Romana officiis funguntur.



Ad loquendum de cap. IV schematis *de sacra Liturgia* ex ordine vocati sunt: Iacobus Flores Martin, ep. Barbastrensis, Fidelis García Martínez, ep. tit. Sululitanus, Caesar Vielmo, ep. tit. Ariassensis, vic. ap. Aysénensis, Ioannes Prou, sup. gen. Congr. Gallicae O.S.B., Ioseph Reuss, ep. tit. Sinopenus, aux. Moguntinus, Renatus Piérard, ep. Catalaunensis, Raphaël García y García de Castro, arch. Granatensis, Michaël Gonzi, arch. Melitensis, Stephanus Leven, ep. tit. Buritanus, aux. S. Antonii, Gabriel Garrone, arch. Tolosanus, Ioseph Marling, ep. Civitatis Jeffersoniensis, Aemilius Guano, ep. Liburnensis, Anicetus Fernandez, sup. gen. O.P., Aloisius Carli, ep. Signinus, Bernardus Yago, arch. Abidjanensis, Ioseph Souto Vizoso, ep. Palentinus, Villelmus Van Hees, magister gen. Ordinis S. Crucis, Victorius Costantini, ep. Suessanus.

Hora 11,40 praeses disceptationem circa cap. IV interruptit et suffragationi subiecit propositionem de transitu ad capp. V-VIII. Fere omnes Patres surgendo consenserunt.

Secretarius generalis proinde, ex ambone, annuntiavit initium disceptationis circa capp. V, VI, VII, VIII, et Patrum nomina legit, qui loqui postulaverant.

Ex ordine ad loquendum de his capitibus vocati sunt: card. Spellman, arch. Neo-Eboracensis; Philippus Nabaa, arch. Berytensis et Gibailensis Melchitarum, Antonius Plaza, arch. Platensis, Petrus Čule, ep. Mandetriensis, Antonius Tedde, ep. Uxellensis et Terralbensis, Raphaël González Moralejo, ep. tit. Dardanius, aux. Valentinus.

Iuri loquendi renuntiavit Ioseph Fenocchio, ep. Apuanus.

Hora 12,20 S. Evangelii codex repositus est et, precibus *Angelus... Agimus...* recitatis, secretarius generalis intimavit proximam congregationem generalem die 12 novembris habendam.

XVII

Congregatio generalis decima septima habita est die 12 novembris, feria II, hora 9 matutina. Interfuerunt 2.186 Patres, nempe 71 cardinales, 5 patriarchae, 9 primates, 392 archiepiscopi, 1.601 episcopi, 10 abbates nullius, 11 praclati nullius, 87 superiores generales.

Missa de Spiritu Sancto ritu romano, sed slavonico idiomate, celebrata est a P. D. Ioseph Arnerić, ep. Sebenicensi. Chorus Pontificii Collegii Russici exsecutus est quosdam cantus lingua paleoslavica, inter quos *Ave Maria*, *Pange lingua*. Antea Patribus distributum fuerat folium continens exemplar sacri textus Missalis paleoslavici et notam historicam de liturgia paleoslavica ritus romani.